

OKVIRNI SPORAZUM o izvođenju radova

Ugovorne strane:

1. Ugovorni organ: MUP KANTONA SARAJEVO, La Benevolencija broj 16 IDB/JIB: 4200220350006, koje zastupa ministar Admir Katica (u daljem tekstu: Naručilac) i

2. ITC d.o.o. Zenica, ulica Zmaja od Bosne bb, IDB/JIB: 4218146790003, koje zastupa direktor, prof. dr.sc. Suvad Isaković (u daljem tekstu: Izvođač)

PREDMET OKVIRNOG SPORAZUMA

Član 1.

Predmet okvirnog sporazuma je nabavka građevinsko-zanatskih radova na dogradnji policijskog objekta PS Novi Grad, a prema uslovima ponude broj 1400-161 od 28.12.2022. godine, koja čini sastavni dio ovog okvirnog sporazuma.

Nabavka je izvršena na osnovu Odluke o pokretanju postupka broj 01-11-4-6609 od 18.11.2022. godine, Obavještenja o nabavci broj 1364-1-3-88-3-62/22 od 05.12.2022. godine i Ispravke obavještenja broj 1364-1-3-88-8-72/22 od 13.12.2022. godine.

CIJENA

Član 2.

Vrijednost radova koje obuhvata okvirni sporazum bez PDV-a iznosi 1.854.329,98 KM, (milionsamstotinapedesetčetiri hiljadetristotinedvadesetdevet i 98/100 KM). Ukupna vrijednost radova, sa uračunatim PDV-om iznosi 2.169.566,08 KM (dvamilionastotinušezdesetdevet hiljadetpetstinašezdesetšest i 08/100 KM).

Plaćanje izvođaču radova izvršit će Naručilac na transakcijski račun Izvođača u roku od 30 dana od dana ispostavljanja svake privremene i okončane situacije.

Naručilac se obavezuje da će za izvršene radove, Izvođaču radova platiti cijenu iz prihvaćene ponude. Izvođač se obavezuje da u toku ugovornog perioda neće doći do promjene cijena iskazanih u ponudi osim u slučaju izmjene zakonskih propisa.

Naručilac prihvata u cjelosti uslove plaćanja koje je dao u ponudi i to da plaćanje neće biti duže od 30 dana, od dana prijema privremene situacije od strane Naručioaca, prethodno ovjerenom od strane ovlaštenog nadzornog organa.

OBIM RADOVA

Član 3.

Prihvaćenom ponudom naručilac i Izvođač radova su saglasni da se radovi izvedu kroz minimalno 2 (dvije) faze. Ugovorna cijena utvrđena je na osnovu predmjera i predračuna iz ponude broj 1400-161 od 28.12.2022. godine.

ROKOVI

Član 4.

Rok izvođenja radova za okvirni sporazum je do 120 (stotinudvadeset) radnih dana od datuma početka radova.

Ugovoreni rokovi utvrđeni su na osnovu datih rokova za izvođenje radova prema predmjeru i predračunu iz ponude broj 1400-161 od 28.12.2022. godine.

Ovaj Okvirni sporazum postaje pravosnažan na datum potpisa istog i vrijedi do isteka krajnjeg datuma realizacije posljednje faze radova ili do datuma realizacije i tehničkog prijema radova predviđenih predmjerom i predračunom iz ponude za izvršenje Okvirnog sporazuma.

NAČIN I USLOVI ZAKLJUČIVANJA POJEDINAČNIH UGOVORA

Član 5.

Na osnovu ovog okvirnog sporazuma ne postoji obaveza izvršenja javne nabavke (izvođenje radova), već obaveza nastaje isključivo zaključivanjem pojedinačnih ugovora o javnoj nabavci na osnovu ovog okvirnog sporazuma. Da bi Ugovorni organ zaključio pojedinačni/e ugovor/e neophodno je da:

- sredstava za izvođenje radova prema predmjeru i predračunu iz ponude budu "operativna / raspoloživa";
- ugovorni organ od nadležnih organa dobije potrebne dozvole/saglasnosti za izvođenje radova.

Pri zaključivanju pojedinačnih ugovora ne mogu se mjenjati bitni uslovi iz ovog okvirnog sporazuma.

PRAVA I OBAVEZE

Član 6.

Naručilac se obavezuje da će obezbijediti svu projektno-tehničku dokumentaciju potrebnu za izvođenje radova i uvesti u posao Izvođača radova. Poslove nadzora nad izvođenjem radova vršit će Zavod za izgradnju Kantona Sarajevo.

Član 7.

Izvođač radova se obavezuje:

- da će izvesti ugovorene radove stručno, kvalitetno i u skladu sa dokumentacijom iz člana 6. ovog ugovora, kao i standardima i normativima predviđenim za ugovorenu vrstu radova, te u skladu sa Zakonom o građenju;
- da će uz saglasnost Nadzornog organa pismeno obavijestiti Naručioca o datumu uvođenja u posao,
- da će redovno voditi građevinski dnevnik, građevinsku knjigu i ostalu građevinsko- tehničku dokumentaciju, te da će obračun situacija vršiti samo na osnovu predhodno ovjerenih količina izvršenih radova u građevinskoj knjizi od strane Nadzornog organa,
- da će u roku od 3. dana po potpisivanju ugovora u okviru ovog okvirnog sporazuma imenovati odgovornog rukovodioca radova i pismeno o tome obavijestiti Naručioca,
- da o svom trošku otkloni sve nedostatke na izvršenim radovima koji se eventualno utvrde u toku izvođenja radova, a na zahtjev i u roku koji odredi Nadzorni organ,
- da će otkloniti sve nedostatke u garantnom roku na koji ukaže Naručilac,
- da će osigurati dokaze o kvalitetu radova i ugrađenih materijala i opreme prema važećim standardima i zahtjevima iz projektne dokumentacije,
- da će organizovati i obezbijediti zaštitu svojih radnika, materijala i opreme na gradilištu i imovine uz gradilište,
- da će o svom trošku pribaviti sve ateste i garancije za sav ugrađeni materijal i opremu izdat od ovlaštenih institucija i iste predati Naručiocu,
- da će snositi sve eventualne štete pričinjene trećim licima prilikom izvođenja radova, odnosno nastalih kao posljedica izvođenja radova,

- da će po završetku i primopredaji radova ukloniti sav višak materijala i opreme sa gradilišta i da će po okončanju radova ili pozivu Naručioca ukloniti sve otpatke sa gradilišta,
- da će zajedno sa Nadzornim organom sačiniti zapisnik o izvršenim radovima.

UGOVORNA KAZNA

Član 8.

U slučaju prekoračenja rokova predviđenih dinamikom izvođenja radova, izvođaču radova se umanjuje naknada za izvedene radove za svaki dan prekoračenja u iznosu od 0,5% a obračunava se na ukupno ugovorenu vrijednost, potpisanog ugovora.

Ukupna obračunata kazna zbog kašnjenja ne može biti veća od 5% od vrijednosti ugovora.

Član 9.

Po izvršenju radova Nadzorni organ iz člana 6. ovog Ugovora će izvršiti pregled i o eventualnim nedostacima izvijestiti Izvođača radova, koji je dužan iste otkloniti u roku od 7 (sedam) dana od dana obavijesti, o svom trošku.

BANKOVNE GARANCIJE

Član 10.

Garancija za uredno izvršenje ugovora je "bezuslovna bankovna garancija" i ista iznosi 10% od vrijednosti ugovora (ugovorenih radova) i traje u periodu rok za izvođenje radova (rok za realizaciju ugovora) plus 60 (šezdeset) dana. Ista će se aktivirati ukoliko Izvođač radova ne izvodi radove na vrijeme, ukoliko ne poštuje zahtjeve Naručioca ili Nadzornog organa, ukoliko grubo krši odredbe ovog Ugovora, ukoliko radove ne izvodi u skladu sa Zakonom o građenju, pravilnicima i normativima za ovu vrstu radova, ukoliko ne otkloni nedostatke na koje Nadzorni organ ukaže prilikom izvođenja radova, ukoliko dođe do kvarova ili oštećenja na završenom objektu, a izvođač radova iste ne otkloni u roku od 7 (sedam) dana ili ukoliko ne ugrađuje materijale traženog kvaliteta.

GARANTNI ROK

Član 11.

Garantni rok za izvedene radove je dvadesetčetiri (24) mjeseca, od dana primopredaje izvedenih radova po ovom ugovoru. Izvođač radova se obavezuje da će sve nedostatke i kvarove, nastale usljed loše i nestručno izvedenih radova, a koji se pojave u garantnom roku, otkloniti u roku od 7 (sedam) dana po prijavi Naručioca.

RASKID UGOVORA

Član 12.

Naručilac može raskinuti Ugovor i aktivirati garanciju za dobro izvršenje ugovora u sljedećim slučajevima:

- ako se Izvođač radova ne pridržava ugovorenih obaveza, odnosno ukoliko grubo krši odredbe ugovora,
- ako Izvođač radova ne ispunjava svoje obaveze u skladu sa Dinamičkim planom,
- ukoliko kvalitet izvedenih radova nije u skladu sa tehničkim propisima,
- ako Izvođač radova ne izvede radove u predviđenom roku, izuzev ako je za odstupanje data pismena saglasnost Nadzornog organa,
- ako Izvođač radova izvodi radove nekvalitetno i ne izvršava poslove po nalogu Nadzornog organa,
- ukoliko poslove ustupi drugoj firmi ili podugovaraču poslova bez odobrenja Naručioca.

ZAVRŠNE ODREDBE

Član 13.

Sve što je predviđeno ovim okvirnim sporazumom, ugovorne strane su dužne da isto ugrade u ugovore koji će se potpisivati u okviru ovog okvirnog sporazuma, a za sve što nije predviđeno ovim okvirnim sporazumom primjenjuju se odredbe Zakona o javnim nabavkama, Zakona o upravnom postupku, Zakona o građenju, Uzanse o građenju i odredbe Zakona o obligacionim odnosima.

Član 14.

Sve eventualne sporove i nesporzume koji bi mogli nastati iz ugovora ili povodom ugovora iz ovog okvirnog sporazuma, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja. Ugovorne strane su saglasne da je u slučaju eventualnog spora po ovom Ugovoru nadležan Općinski sud u Sarajevu.

Član 15.

Okvirni sporazum je sačinjen u 6 (šest) istovjetnih primjeraka od koji svaka strana zadržava po 3 (tri).

Član 16.

Ovaj okvirni sporazum stupa na snagu danom potpisivanja od strane ovlaštenih lica, a realizacija istog realizovat će se kroz potpisivanje ugovora od strane ugovornih strana

IZVOĐAČ
ITC d.o.o. Zenica

direktor, prof. dr.sc. Suvad Isaković

Broj: 1369-2319
Datum: 24.02.23.

NARUČILAC
MUP KANTONA SARAJEVO

Šef Katedre Admir Katica

Broj: 01-11-4-6609-3
Datum: 15.02.2023. godine